

ALL NATIONS GOSPEL PUBLISHERS



www.angp-hb.co.za



info@angp.co.za

MUJIMA U MUUDU WENA NZU I NZAAMBI, MBI LO NZU I SAADANA

1 Yoani 3:4-10

Mugaanda wu lo wena mbi u gigi dweena. Mvula kama jaadi jihida gaduga ufugu waagausonigidi mbala yi teegu gu gifuji gi France ti mwaanyongu. Mugaanda wu usadisidi haadu eengi eengi. Mugaanda beeni wena nga gipeela, wuguleesaanga amaala yi agonusa gifa gi mujima u haadu gu meesu ma Nzaambi. Haadu eengi agamana gwiisiya mbi mijima myoowu migazeedi yi masumu, eengi dyaagalumunini mujima, gu dima dyaagaseenjidi mijima mi Mpeve u Nzaambi, mu mwiila agadaangidi mugaanda wu.

Ayi kega mbi mugaanda wu ubadidaanga, nuunga mbi mugaanda wu wena nga gipeela gi mujima waayi gibeeni. Shi loo yaandu ugeefa paanji yi Yeezu, shi wena mukristu, shi ugadigadula goyi mu paanji yi Nzambi, foto dyaayi muwaagudidaala gifa gidigumonigaanga gu meesu ma Nzaambi; nuunga mbi Nzaambi lo gonji agudalaanga mbuunzu mbi lo mwiila (1 Samuel 16:7), Nzaambi gisalu gyenji gudala mujima buna (2 Chroniques 16:9).

Saadana akoonji gugufuda, mu mwiila ye ena fumu u haadu apala o akimina (Yoani 8:44), ye ena kega fumu u piiba ti nzaambi u gifuji gi. Mbala jeega, ye saadana agufudaanga haadu mbi ena waanjo u mwaani, muudu mupiimbu, kasi ena mupala. Teegu kega gugakeedi aloongogi apala eengi. Adi kega ena eengi. Gisalu gyoowu gudisweega, gufuda haadu mbi ena haadu apiimbu. Saadana ke magudisweegaanga; agudileesaanga mbi ena muudu

upiiumbu (2 Corinthiens 11:13, 14). Gisalu gi saadana gujiya mayelu yi meesu ma haadu. Mbi lo ahaanga gyo, haadu mageeshiya mbi paanji yi Nzaambi yena mudeeni buna (2 Corinthiens 4:4). Haadu a masumu, haadu agugoondaanga gwiishiya Nzaambi agafa gu meesu ma Nzaambi, mu mwiila yiima yi gifuji gi, fumu u gifuji gi, o akima abadi haanga ngolu gaji gi aneenji (Ephésiens 2: 1, 2). Haadu a gifa gyo mbi lo alumuna mujima, ageenda gu tshwiya. Muudu yo uguhosaanga mbi lo ena yi masumu, agudifudaanga ye mweeni (1 Yoani 1:8, 9).

Dyubadi daanga mugaanda wu, dyubadi dala mafoto ma mena mu, dyewudi ayi beeni mu paanji yi mujima waayi. Guumbula Nzaambi aguleesi gyena mujima waayi. Guumbula masumu meyi, mu mwiila mugaanda u Nzaambi ubadihosa, mbi muduhosa mbi lo dwena yi masumu, dubaagudifuda adu beeni, masoonga ke lo mena mu mujima weedu. Haa mbi mudweefa keenda mu meesu ma Nzaambi mu mwiila masumu medu, Nzaambi ena piumbu, magadwiifila keenda, magadoofa ke piumbu (1 Yoani 1: 8-10). Magila ma Yeezu, mwaana u Nzaambi, magoofaanga piumbu masumu medu (Yoani 1:7). Muneedu, haangila Nzaambi, lo guhaangila saadana. Wena muhiga u masumu, mbi lo muudu u gisalu gi Nzaambi. Mbi masumu mazeedi mu mujima waayi, lo guduna. Sa muloolu gona Nzaambi mu mwiila Yeezu eshi guuguula yi magila menji, ginaga ye ageeshidi gupasa yisalu yo yikima yi saadana. Manuunga medu mo makimina, Nzaambi umeeshi, yikeelu yeedu yo yikimina yena hululuu ha meesu ma Nzaambi, mpila mbi dudisweegi ha meesu menji lo, ye mbi ye ugadufudidi. Buungu dyabadi wuumba dileenda fuda muwuumbi? Gaamba lo.

Meesu ma Nzaambi mageenda gifuji gi muwuundu, gisalu gyeenji gusadisa haadu o agadihaana gona ye (2 Chroniques 16:9). Givudi, piiba o yigi ileenda bajila Nzaambi mbuunzu yi haadu o akimina aguhaangaanga masumu? (Yobo 34:21, 22). Haa Yeezu lo gonji aasaanga mujima, mu mwiila ye ueeshi o akimina (Jean 2:24). Makuni, kala mu kyeeshi mbi Nzaambi ulolula masumu maayi. Yaangalala mbi lo gonji agugaanjila giminu (Miguunga 32:1, 2). Mwaanyongu shelá Yeezu mabadi guule-njiga : za nwiishi anu akimina nugahoonda yi lemu, ami

miganuhululusa. Ami gibeeni igaseenda lemu dyenu
(Matthieu 11:28-30).

DUBADI DEENDULA MAFOTO MA MENA MU



MUJIMA U MUUDU MASUMU

Foto di dibadi guduleesa mujima u muudu masumu. Da gimanina saadana, mu mwiila ena fumu gu mujima wu. Dala gigudaalaanga Nzaambi mujima u masumu. Meesu ma muudu yu mabadi leesa mbi ugabaadila magana. Daanga mu YINGANA 23: 29 - 33: “naa ugubyoogaanga? Naa ugunwaanaanga? Naa uguleminaanga paamba paamba? Meesu ma naa mena mahwa beenga? Meesu ma haadu o agubwiilaanga magana haashi; haadu

o agunwaanga magana ma tshwa, magana beeni gu meesu ushiga, wa gimabaagulumuga ha mumini! Haa magusumanaanga nga nyoga. Mbi umanwiidi, ginguumba giyaanjiga, meesu meesa mu agonusa mbi lo mu amaala. Ganu diyaanjiga gudugana”.

Dala foto di dibadi leesa mudu u muudu. Gu mashina ma mudu gwena yi gifanisu gi mujima. Mu mujima, dubaadaala ashidu eengi. Ashidu a abaaguduleesa gifa gi masumu maguka-laanga mu mujima u muudu. Mujima ugasweega masumu meengi mu koni. Yere mi magahoshidi gonji : mujima u muudu wena makoonda makoonda, naa uleenda guudungulula? Ami Naaambi, ileenda guudungulula (Yere mi 17:9, 10). Yeezu ke magahoshidi : “manunga mabi, yiima yo yikimina yibi iguduugaanga gu mujima, nga uhala, wiimbu, gujiya haadu, gilawu, luleendu, koni; mambu ma mo makimina mbi maduuga gu mujima, haa meesa beebisa muudu (Marc 7:21-23).

1. PAON. Paon ena njila umoshi ushiga. Gidugu gyenji gyena sala jiingi jidadi nga dindon. Haa njila mukuunda, mujigi-jigi. Gidugu beeni piimbu mbi upasa sala jeenji. Mu mujima u muudu, ye ena gifa gi luleendu. Saadana yo wauguleenjigaanga Lucifer agakeedi teegu wanjo yo ugagejiginini mwiinda u Nzaambi. Giima gigamuhaangidi Nzaambi yigi? Luleendu. Dala, makuni, luleendu luguduugaanga gu iluungi. Gu dima dyeesa gudidaadisa mu mujima u haadu. Wa giguhsaanga haadu a luleendu: ami ngyena yi njiimbu jemi, igaloongugidi ngolu, lo ngyena mbwa nga ayi. Dala miledi mi ivaada, umikweeji? Dala misaanga miisa mu koda, ku ugamidaala kega? Dala yaandu mwiila waami wena yi apoji nga waayi? (Isaie 3:17-24). Ageebi aguvaamvugaanga mu mwiila akaaga jowu, mu mwiila gifuji gyowu, mu mwiila mayelu mowu, mu mwiila gobu dyowu. Haadu beeni agudizaangulaanga gyo mu mwiila lo eeshi mbi Nzaambi agwiifilaanga keenda kaga muudu yo ugagoonda gudi-vaamvula (I Pierre 5:5). (Yingana 8:13). Lulendu lwena mbayi u lufa (Yingana 16:18).

2. KOOMBU MULUMI. Koombu yu ena gisulu buna. Ena gifa gi ungummba, gi gugeemba. Mafugu ma madweena, gugeemba guyaadidi gifuji gi muwuundu. Mukyelega, gifuji

gyena ha sulu. Yeezu magahoshidi gonji mbi nudaala gifuji gyeesa nga gi gugakeedi mu Sodomi yi Gomorrhe, hosa mbi gusaala gajigi mbi ami yeesa giinjigila.

Gugeemba gungididi ihani yo yikimina. Ti haadu a Nzaambi gisalu gugeemba. Yi duleengi, yi ambuda gisalu gimoshi buna. Teegu lo gugakeedi gigi. Naa ubaamwaanga gifu gi? Migaanda midubadi daanga, cinéma. Adu akimina dubadi yïndula mbi gugeemba gwaaleenjigaanga teegu disumu, lo gwena kega disumu. Haadu eengi o ena gugeemba ngolu ageesa haadu adugulabaanga, mu mwiila dugaadaadidi mu cinéma mbi lo mu mugaanda. Ao agadunini gugeemba nga Yosef (Genése 39), adu lo dubaazola kega gwalaba. Haa gu muwaangu gugakeedi mbi muudu ugeemba yi mungela kani, yigi ahaangaanga muudu beeni? Dugebi ngolu mu mwiila Bible digahosa: masumu mo makimina madugujwaa-laanga lo mena mu gaji gi mwiila, haa mena haanji. Ayo ugugeembaanga abaasa mwiila weenji usala. Lo nwiisi mbi mwiila weedu wena gihani gi gukalaanga Mooni u Nzaambi? Mooni u Nzaambi wo ududaambudidi. Mwiila wu lo wena kega mwiila weedu (1 Corinthiens 6:18, 19). Mbi muudu ujiya gihani gi mooni u Nzaambi, Nzaambi kega magamujiya, mu mwiila Mooni u Nzaambi wena giima gi ngolu (1 Corinthiens 3:17).

3. NGULU. Ngulu ena gifa gi masumu ma gunwa magana ti maguguda. Ngulu ena gubiya mu mwiila jilu dyenji. Yiima yikimina ata yena jilu, ye muni guyidya, yikadi yi piimbu, mbi lo imbi. Mujima u muudu uleenda kala kega nga ngulu mbi ubaamina yiima yo ikima: cinéma, migaanda, ifanisu yi mpila yi mpila. Mwiila u muudu ufede kala gihani gi Nzaambi gi gubwa haashi. Adi haadu ageesa gunwa magaya, dyaamba. Teegu haadu lo anwaangaanga magaya nga didi. Nzaambi buna uleenda dumuna yifu yo mu mijima myedu. Dala yaandu, mu nzu Nzaambi lo gwena shi muudu uganwa magaya mbi lo magana mu mwiila gwena gihani gi Nzaambi, gwena mugoonda ungolou. Haa mu mwiila yigi dubadi sa mooni weedu jilu yi magana yi magaya? Lo dwiishi mwiila wu wena gihani gi gukala gi Nzaambi? Kiyu dubaagudisa jilu?

Nzaambi kega lo gonji aguzolaanga muudu yo ugudyaanga gibigibi. Dugudyaanga mu mwiila dukadi piimbu, kashi lo dulenda

ziinga mu mwiila gudya buna. Mugaanda u Nzaambi umoshi ugahosa mbi muudu ugabaadila gudya afede gumoomba mamani afi (Deutéronome 21:18-21). Mbi gisalu gyeyi gudya buna, ti go ugavaada malaambu (Yingana 23:21). Weebuga mbi muudu umoshi agakeedi mvaama, gisalu gyenji gudya, gunwa, gusema, unguumba. Magafiidi dilelula meesu ye gu ilungi, pashi imubaa-dididi. Magana magusaanga muudu mu uhiga. Dyo ke Bible mudiguhosaanga mbi anwi magana lo shela agangila mu wulu (I Corinthiens 6:10). Gwena keenda ngolu gona muudu yo ugunwiisaanga agoowu, ugwaalawusaanga (Habacuq 2:15-17). Haadu o agazola maginu yi magana loo agugumbusaanga Nzaambi (Isaïe 5:12; I Corinthiens 10:7). Aneedu, nukoonji lawuga magana, gwena unguumba, haa duzadi yi Mpeve u Nzaambi (Ephésiens 5:18).

Mbi wena yi nzala, wa gibaahosa Yeezu: "Mbi muudu ena yi pwiisa, eeshi gona ami, maanganwa. Anu nwana yi pwiisa, zeenu nunwi, ata lo wena yi njiimbu. Za nwiisi nuseenji magana yi maadi magoonda gusumbuga" (Isaïe 55:1). Muudu yo uganwa meema maigamuhwa, loo ageefulula kega pwiisa; meema maigamuhwa magagiduga gidawu ti dyagangila mu gifuji gi Nzaambi" (Jean 4:14).

4. MBAJI. Mbaji mu mwiila mweendu wenji ena gifa gi umoolu ti gi ulogi. Mumoolu gisalu gyenji guhosa mbi gisalu gigi igagihaanga gakeela. Mulogi lo gongi agwiifilaanga paanji i Nzaambi. Mugaanda u Nzaambi ugahosa: "Manuunga ma mumoolu magamujiya, mu mwilla myoogu myenji migaduna gisalu" (Yingana 21:25, 26). Josué magaambididi aana Israël mbi nukoonji kala umoolu mu gungila mu gifuji ginuhwa Nzaambi (Josué 1:6).

Mwiila u muudu lo uguzolaanga yiima yi Nzaambi. Yeezu magahoshidi: seenu ngolu mu gungila mu wulu, mu mwiila gyaanzulugu gi wulu gyena gikuunda (Luc 13:24). Mu gungila wu wulu ufedu sa ngolu, mu mwiila haadu agusaanga saanguga, haadu a gingolungolu buna agadogununa wulu (Matthieu 11:12).

Mbi dwena umoolu mu paanji yi Nzaambi, lo dugangila mu wulu. Mbi dwena umoolu, isaambu lo dugasaamba, lo dugasaga Nzaambi. Mbi Nzaambi udwaambila paanji yi gwalumuna

mujima, saadana uyaanjiga ke gudwaambila: mbi gwena piimbu kashi lo gwalumuna mujima mwaanyongu, piimbu gakeela. Hoshi ufugu agabala gudwaambila mbi dukoonji gwalumuna mujima. Haa Nzaambi ye beeni abadi hosa mbi: ufugu wu ugeefa ndaga yaami, mujima waayi ukoonji kala nga mani (Hébreux 3:7, 8). Haadu gwi agafa yi masumu, ao ahosaanga mbi dugalumuna mujima gakeela? Gyeba! Mwaanyongo ufugu waayi, gakeela ufugu u Nzaambi.

Ena gifuji gi Afrique du Sud aguhaangilaanga gibala gi mbaji mu ungaanga wowu. Mu gifanisu gi gyeedu, mbaji ena gifa gi disumu di ulogi. Mulogi, muudu ugweendaanga gu masoonga, o akimina ena alogi. Piimbu mapashi medu mo makimina dumaleeshi gona Nzaambi. Bible dibadi hosa mbi dwaambidi Nzaambi minyaanga myedu myo mikimina. Nzaambi ena heyi heyi mugudusadisa. Ye ke magahoshidi mbi haadu agudadisaanga masoonga akoonji kala gu gifuji gyeyi (Deutéronome 18:10-21), mu mwilla haadu o ena nga ambwa, yinguumba, alogi, angaanga, o agujiyaa-nga haadu lo agangila mu wulu (Apocalypse 22:15). Mbi isaambu yaayi lo ibadi guma gona Nzaambi, hosa mbi ayi wena yi masumu (Jean 9:31).

Mu daangu diubadi daanga mugaanda wu, Nzaambi abadi guugwaambila mbi udiifidi keenda, weegi mapaanji ma saadana. Haa mbaji ayu wena mu mujima waayi abadi hosa mbi lo gwalumuna mujima mwaanyongu; ye ke muni guugwaambila mbi muwalumuna mujima gigi dweena, ambayi jeyi yigi agahosa? Lo ugeenda gina ke? Weega paanji yo mwaanyongu, wena yi daangu di gwalumuna mujima.

Wooma uguzeedi mu mujima? Za gona Yeezu aguhwi mujima u pwedee, kyeeshi gyenji, luzingu lwenji. Yeezu eeshidi gudugadula mu uhiga u saadana (Hébreux 2:14, 15).

5. KOOYI (NZAMA). Nzama ena kabu ngolu. Mujima u muudu ugazala yi kabu yi unguumba. Mbala jiingi dugadaala mbi manuunga ma kabu majiisa muudu mugweedu. Kabu, ulenda gujiduna ufugu umoshi; gu dima ujiifulula. Mbi gyo, loomba gona Yeezu agugadudi kabu jyo. Wegu kabu, gwena gubiya (Miguunga 37:8, Yingana 27:4).

Haadu eengi agunwaanga magana mu mwilla gulembiga

kabu, haa magana mena nga gusumana gu nyoga (Deutéronome 32:33). Nzaambi ugahosa: duzodi ambeni jyedu. Ye ke magadu-lolula. Dweegi manuunga ma ubi, Nzaambi ashi manuunga menji yi muhuunga weenji mu gaji gyeedu.

6. **NYOGA.** Nyoga ugafujidi maayedu Eva mu hya di Edeni. Ye ugajiidi gwiifilagana gu haadu yi Nzaambi. Giima gyo saadana agifilaanga kabu ngolu. Ye mbi giima giibidisa ami gu wulu, Adamo yi Eva akadi gyoogi?Ye dyaagamegidi gujiya gwiifilagana go. Musogi wo u saadana wena kega mu mujima u haadu eega. Musogi uleenda haanga mbi muudu ajiyi mugoowu. Paanji yo aguyidaalaanga ngolu mu mawaala. Musogi ugangila ti mu mujima mi angaanga a Nzaambi. Piimbu adu akimina dugadudi musogi wo mu mujima shi mududaala Nzaambi uhaanga mapaanji magola mona mugweedu.

7. **GYUULA.** Gyuula gigudyaangu maanu. Gyo gyena gifa gi fudi yi yiima, mulolu u yiima. Nzala yi njiimbu yena gishina gi minyaanga miingi (I Timothée 6:10). Gu Zaïre gwena yi gambaambasoombu gagudyaanga dumoni dwiingi. Mbi gadya, gadya, gaguda, gadubuga tii gafa. Mbi muudu ena wiimbu u njiimbu ngolu, lo gonji aguzolaanga gugaaba, ena googu ngolu, lo gonji aguzolaanga guhwa agweedu. Haa ye aguguumbusaanga mbi njiimbu jikimina jiishi gona ye. Haa Yeezu magahoshidi mbi lo gusa mujima mu yiima yi gifuji gi, mu mwiila aseneni muni dya yiima yo; yi eembu kega muni gwiimbula yiima beeni. Haa hoshi muudu asagi yiima yi gifuji gina gu tu. A go gu tu shi aseneni lo, shi eembu ke lo. Mu mwiila gihani gyena umvwaama waayi, gihani gyogyoongi gyena mujima waayi (Matthieu 6:19-22). Akana yi aneenji paangi agafiidi mu mwiila wiimbu u njiimbu kega. Yudasi, gilaandi gi Yeezu, agagijiidi ku mu mwiila .njiimbu Agakeedi wiimbu ngolu mu njiimbu ji agamuhweedi gusweega. Dyodyo dyaagadegidi Yeezu. Njiimbu kani lo jena mbi. Gima gyena mbi wiimbu u njiimbu wo ugubadamanaanga mu mujima u haadu. Haadu eengi a yifuji yo yikimina, haadu a magobu makimina, agajiya mooni wowu, ti anoowu paangi mu mwiila wiimbu u njiimbu. Piimbu agejigini njiimbu jingi mbala yi moshi. Haadu eengi, gwena gifumu gi gifuji gi gigaheejisa koni.

Eega, gwena gifumu mu nzu Nzaambi abadi laba. Agagiduga gunganina agoowu paamba paamba. Weegenu gukala myoogu ngolu! Luziingu lu muudu lo lwena mu mwiila yiima yi akweeji ataa yena yiingi (Luc 12:15). Dala gigakeedi mvwaama umoshi u uyuungu: “mahya maami mahanini nduumba jiingi. Yigi yaanga haanga mu mwiila pululugi? Manguunzu maami lo mafaana ke mu gusweega yiima yaami. Piimbu, imabaagi, paangi meega mahida uneni, tii migaambila mujima waami : hululuga yaandu, humuna, kala yi kyeeshi mu mwiila wena yi yiima yiingi. Haa Nzaambi magamwaambididi : zoba, mu piiba yi gibeeni, ageesa guguloomba mooni waayi. Haa yiima yiusweegidi, yigasaadila naa? Muudu yo ugoonda sweegila Nzaambi yiima ena zoba nga muudu yu (Luc 12:17-21). Ataa muudu madogununa gifuji gimuwuundu, mbi mabidisa mooni weenji, gisalu gyaahaangidi gi yigi? (Marc 8:36). Yeezu magahoshidi, lo gudihwa minyaanga mu paanji yi yiima yi gudya. Mooni uhida madoongu mu mfunu. Amimpani buna agudihaanaanga minyaanga mu mwiila yiima yo. Daadenu Nzaambi wiishi mbi nwena yi mfunu yi yiima yo. Sagenu teegu gifumu gi Nzaambi, yiima yeega aganuhwa ha wulu. Mu mwiila gihani gyena njiimbu, hoho hena mujima (Luc 12:23, 34, 31).

8. **SAADANA.** Saadana ena fumu u haadu akima a upala, haadu akimina a masumu. Ye ugayaala mijima mi haadu. Yeezu magahoshidi gonji : daadenu saadana. Ye ugayaanjiga gujiya haadu gaduga guyaanjiga gu gifuji. Loo aguguumbusaanga makyediga, mu mwiila mona ye upala ugazala. Mbi uhosa upala, hosa mbi upala uduuga mu gaji ye shela, ye ena daada u upala (Jean 8:44). Upala wo ukimina wena gubiya. Mukristu lo afede fuda haadu. Mupala yo ugudisweegaanga ena mulogi mu mwiila ye agudileesaanga nga muudu mu piimbu. “Mbi dubadi hosa mbi dwena yi ye gigeledi mu gwiifilagana, haa adu muni haanga mapaanji ma piiba, dwena apala, lo dwiishi paanji yi kyediga” (1 Jean 1:6). Bible digahosa mbi, haadu o ena nga ambwa, nga alogi, nga o agugeembaanga, o agujiyaanga agoowu, o agusaambilaanga yidegi, yi haadu agameenga upala, lo agangila mu wulu di Nzaambi (Apocalypse 22:15). Gwena yi yiima nsambwadi yi gugoonda zola Nzaambi, mu gaji gi yiima yo, upala yi gufujigila

muudu paanji yena momoongi (Yingana 6:16-19).

9. MOODA. Mooda wena gidiumbu gi mwaani mu mujima u muudu mukima. Mu mujima wu, mooda beeni uga-buumbula, ugeesa gubiya. Masumu ma gabaji gabaji ti ma koni, magamubijisa dulu, mu mwiila mujima lo wena yi mpila kega yi gwaagula mbi gisalu gyaahaanga gyena piimbu mbi lo gubiya. Mujima ugeesa guswiigidila, mbi loo ugeesa gowu pwedee. Gihani gi gulolula, wo ugeesa muni fuunda, gihani gi gufuunda, wo muni lolula. Mpeve u Nzaambi mabadi hosa mbi gifuhi gifinama mu gufa, haadu eengi agabidisa givuvu mu Nzaambi, mu mwiila gwii-filagana yi apala, yi aloongi apala o eeshi gufuda haahu piimbu, mijima myowu migabola (1 Timothée 4:1, 2). Dweegi mijima moyo mi masumu. Dumihijishi nga mu tshwa ji mizagushi.

10. DIISU DI NZAAMBI. Diisu di Nzaambi diguda-laanga yiima yikima iguhidaanga mu mujima u muudu mukima. Lo gwena yi giima gileenda badamana mo mbi giswaami gona Nzaambi. Mijima mikima myena hululu ha meesu menji (Jeremi 17:9, 10).

11. TSHWA. Dubadi daala mbi tshwa dumanini gaabulagana mu yijini yi jigijigii. Tshwa dodoongi dwena gifa gi gaduzola Nzaambi. Nzaambi mbi ugameenga masumu, haa ugazola muudu ngolu ataa masumu mazeedi muudu yo, mu mwiila ye Nzaambi ugasa ndaambu yi muhuunga weenji mu gaji gi mijima mi haadu. Mu mwiila gyo, loo aguzolaanga mbi muudu u masumu afi, kashi alumuni mujima, agodi (Ezechiel 18:32). Ye ke Yeezu ageeshidi mu mwiila agulushi haadu a masumu. Tshwa do kega dubadi guduleesa magila ma Yeezu amo agajaa-gidi mu mwiila adu, ye ena dimeemi dyo digugadulaanga masumu ma gifuji (Yoani 1:29).

12. WANJO. Wanjo ena gifa gi Bible, paanji igahosa Nzaambi. Nzaambi ena yi pwiisa yigwaagusa muudu yo mbi lo mungela yo uhoonda yi lemu di masumu. Piimbu haadu o alumuni mujima, haa Nzaambi uhululuga.

13. **DIPOOMBU (Pigeon).** Dipoombu dyena gifa di Mooni u Nzaambi waaguleenjigaanga mbi Mpeve u Nzaambi usaantu. Ye gisalu gyenji guleesa muudu mbi masumu mazeedi mu mujima. Ye ena mbagu muneni. Mu gifanisu gi, dubadi daala mbi mooni beeni u Nzaambi, lo wena mu gaji gi mujima, haa haanji. Mpila yigi wo mooni beeni uleenda kala gihani gyena masumu?


Makuni, mbi gifanisu gigi gibadi leesa gifa gi mujima waayi, sa gisasu, wiishi gona Yeezu. Walumuna mujima, tshwiya du Nzaambi dugungidi. Guumbula Yeezu, muwaaziinga (Actes 16: 31). Nzaambi ugasiila yi tuunda mu gwalumuna mujima waayi. Piimbu ye aguzolaanga mujima waayi wiishi uhye uhye, wuseenji muhuunga u Nzaambi. Agyo giima gibadi leesa gifanisu gi mbadi.

GIFANISU GIMBADI

Gifanisu gigi gibadi guduleesa mujima u muudu yo uyaa-njiga gudiifila keenda, tii uyaanjiga gusaga Nzaambi. Dala wanjo ugamini gu googu mupada awo wena mapaanji maduuga gona Nzaambi, mu mwiila paanji iguduugaanga gu ganu di Nzaambi iguduungulula muudu mukima, mbi migungila mu mujima (Hébreux 4:12). Muudu afeji kaka gufa mbala yimoshi, gu dima guzoonzama guyaanjiga (Hébreux 9:27). Ye Nzaambi abadi guduleesa mbi muudu u masumu magafa. Muudu u masumu tii yo ugaduna Nzaambi, agaambila o mbadi kima mu jiya dyo di meema ma tshwiya maduuga mu ndoondy yig mizagushi.

Dala wanjo ugamini mudu gu googu. Yigi abaazola gudu-leesa? Abaaguduleesa mbi adu akima mudugafa. Gobu di didubadi vaajisa, didubadi baadila, didubadi diisa, didubadi woonjila, mudigafa, miguni mimugazala gobu dyo. Haa myooni myeedu loo migufaanga, myooni migeenda gumidaadisa gu meesu ma Nzaambi mu mwiila gusaamba.

Dubadi daala mu gifanisu gi mbi mujima u masumu uyaa-njiga gwiifa paanji yi Nzaambi. Mooni u Nzaambi uyaanjiga



MUJIMA U MASUMU UYAAJIGA GUSAGA NZAAMBI

gungeenga mu mujima ugabuumbula yi masumu. Mwaani u Nzaambi ungila mu mujima tii uyanjiga guhaanga gidiima yi masumu. Ashidu o ena gifa gi masumu, mwaani u Nzaambi uwaaseenjisa tshiina. Mbi gyo, makuni Yeezu angidi mu mujima waayi. Ye ena mwaani u gifuji gi muwuundu. Ye magahoshidi mbi ena mwaani u gifuji. Mbi muudu mabadi gumulaba, lo agakala mu gidiima gyo. (Jean 8:12). Udaala? Mbi muguumbula

Yeezu, ye magahaanga ashidu ambi o mu mujima waayi. Ayi beeni lo ugaluunga mu guhaanga ashidu o tii gidiima gyo. Ayi beeni wiishi mbi myooda mbi lo ngonnji, lo mileenda guhaana mwaani nga daangu. Yeezu ena daangu. Lo gudifuda ayi beeni mu guhaanga ashidu o. Yeezu agaduleeshidi mbaandu yi tuunda. Dala! Ufugu umoshi, Yeezu agedi shiginina haadu muni haanga gikida gyowu mu nzu Nzaambi, ye diigahaangidi, yi angoombi, yi mapoombu, tii dyapasa njiumbu jowu. Dyagahoshidi : Nzu yaami lo yena zaandu (Matthieu 21:13).

Mujima waayi ufede kala nzu yi Nzaambi (1 Corintheiens 3:16). Mbi muuleenjiga Yeezu, ye magahaanga ashidu o nga gyaahaangidi haadu o. Agaguhwa kyeeshi gigola. “Mbi Yeezu : guguula gona saadana, lo ugakala ke muhiga (Jean 8:36).

GIFANISU GISADU

Gifanisu gigi gibadi guduleesa mujima wo uduna masumu mu mujima umoshi. Daangu di weeshiya mbi masumu maayi magola magajiishidi Yeezu ha kulunsi. Mbi mujima udaala kulunsi dibadi gumuleesa wanzyo, weefa keenda ngolu. Mu kyeediga Yeezu magafiidi mu mwiila dugagulula migoondu mi Nzaambi. Yeezu agamubudidi fiimbu, agamushiidi ha mudu pu yi ngaangu, myoogu yi miilu amana dubula yi nsoonsu, dyaaga-fiidi ha kulunsi mu mwiila masumu meedu. Mbi weeshiya mapaanji ma mo makimina, keenda jifeji gugugama ngolu. Mbi mubadi daanga ke Bible, ayi beeni uyaanjiga gwiishiya mbi ayi yi Nzaambi nugagaabulaganini ngolu. Bible dyeesa gipeela gona ayi. Migoondu mi Nzaambi ugamimbila gu dadi. Daangu diubadi dila gyo, Yeezu weesa heyi heyi yi ayi. Ngeemba yi kyeeshi gi Nzaambi gingila mu mujima waayi. Weeshiya mbala imoshi mbi magila ma Yeezu, mwaana u Nzaambi, mabadi goofa masumu medu makima (1 Yoane 1:7). Nzaambi ugaguumbusa haadu o ena mijima mihwa budiga, ye ke agugulusaanga haadu ena mu keenda, o abadi daala pasi, ena yi minyaanga, ti o agugumbusaa-nga ganu dyaami (Yisaya 66:2). Muhuunga u Nzaambi uyaanjiga gwaambila mujima gigahoshidi Yeezu : “Munaami, hululuga, masumu maayi imalolula”. Kulunsi di Yeezu digeesa gudugadula

lemu di masumu. Nzaambi agabudidi muneenji ngolu mu mwiila adu haadu (Yisaya 53).



MUJIMA UGUUMBULA YEEZU

Dala mu gifanisu gigi, muhuunga u Nzaambi uyaanjiga gungidisa mwaani weenji mu mujima u muudu yu. Dala woofa mujima (Yisaya 1:18). Ye beeni uyaanjiga gwaambila mujima mbi uguma mwaana u Nzaambi (Romains 8:16). Ayo ugukwiigila Yeezu loo agafa kega. Yeezu ugeesa gadula yiima yibi yo

yikimina yi magila menji (Ephésians 1:7). Muudu yu uduna yiima yi gifuji gi, uzola Nzaambi.

Mu gifanisu gi dubadi daala ashidu o a saadana aduuga mu mujima. Haa saadana meesu ushiidi mu mujima mu mwiila angiluludi. Mbi gyo, dugebi nga gigahoshidi Yeezu, saambenu, nukoonji bida mu mwiila nunwaani yi saadana agiini.

GIFANISU GI NGWAANA

**MU GAABU DYAAMI
GIIMA GIILEENDA
VAAMVUGILA KEGA
GYENA KULUNSI BUNA
DI YEEZU KRISTU
(GALATES 6:14)**

**IGafa ha kulunsi yi
YEEZU (GALATE 2:20).
IGADUNA MASUMU MU
MWIILA IGUZIINGA LU-
ZIINGU MU YEEZU
(ROMAINS 6:11).**



AYI UGOMAMANINI HA KULUNSI YI YEEZU

AYI UGOMAMANINI HA KULUNSI YI YEEZU

Gifanisu gi gibadi guduleesa mukristu yo ugeefa piimbu mu mujima gaduga ufugu waagaguumbudidi lufa lu Yeezu ha kulunsi. Yeezu agafiidi ha kulunsi mu mwiila mbi adu ke dweegi yiima yimbi yi gifuji gi (Galates 5:16, 17). Muhuungu u Nzaambi udwaambidi yiima yidufedi haanga. Mu gifanisu gigi dubadi daala guunda dyaagagaanjiidi Yeezu gu dima di gumusudula miledi. Agamubudidi ngolu, amana gumugusa fiimbu digola mu mwiila masumu medu. Hérode yi haadu enji amuseya ngolu tii dyaagamuvaajishidi miledi nga mi muudu u gilawu, dyaagamu-shiidi ke pu yi ngaangu ha mudu. Gu googu dyeenji dyaagashidi muhaangu u musaangala. Dyaamufugimina mu gumuseya. Amuswiila maji gu mbuunzu. Dyaayaanjiga gumuduga ke mbi mboji fumu wa Yuda. Gu dima dyaagedi gumubula nsoonsu ha kulunsi.

Akristu eengi ageesa akristu a ganu buna, gu isaambu muni gweenda, haa yisalu yoowu nga ya mimpani shela. Mu gifa gyo abadi bululula Yeezu misumaadi ha kulunsi. Abadi gudifuda o beeni. Yeezu lo agumufudaanga. Ye ena Nzaambi. Lo gwena mbi o aguhosaanga mbi Nzaambi, Nzaambi, hoshi ufugu agangila mu wulu, haa o aguhaangaanga luzolu lu Nzaambi (Matthieu 7: 21-27).

Mu gifanisu kaga gyo, dubadi daala waba di njiimbu di Yudasi adyo dyaagadegidi fumu Yeezu. Wiimbu u njiimbu ugajiidi meesu menji.

Mu gifanisu kaga gyo, dubadi daala kega mwiinda yi munyololu. Yiima yo asoda agayihaangididi mu piiba mu gwee gama Yeezu. Mileidi mi Yeezu dyamibudila mbeshi. O loo agazodidi mbi Yeezu aayaadi.

Haadu o akima agazola mbi Nzaambi aahwi peemba, yi mvula, yi mwaani, haa o lo aguzolaanga guleemvugila Nzaambi. Haadu eengi ke aguguumbusaanga Nzaambi mbi ena yi minyaanga. Mbi pashi ihwa, Nzaambi amuduna, Nzaambi lo gonji ena.

Solda umoshi dyaagamulemigishidi mu sagaji yi dyoonga. Digugaduugidi meema yi magila. Kogu lo yaandu agagoogudidi mbala jaadi, aho Pierre umana hosa mbi lo gonji eeshi Yeezu, mu

meesu ma gaana ga mugosuna. Ayi ke mu yisalu yeyi, mu ganu dyeyi, mu guguumbusaanga Yeezu ee loo? Ugumwiifilaanga usoni? Yeezu magahoshidi mbi dumwiifila usoni mu meesu ma haadu, ye ke agadwiifila adu usoni ha meesu ma daadenji gu wulu (Matthieu 10:32, 33).

Yeezu magahoshidi ke mbi muudu lo aseenda kulunsi dyeenji, loo aleenda gumulaba (Matthieu 10:38). Yeezu ena mani. Gwena piimbu buna mbi muudu umanina ha wulu di mani di.

GIFANISU GI TAANU



5. NZU I NZAAMBI

Dala mujima woofugidi mu magila ma Yeezu. Mujima wu weeshidi shela nzu yi mooni u Nzaambi. Nzaambi mwaana ena mo, Nzaambi Daada ena mo, yi Nzaambi Muhuunga u Nzaambi. Yeezu magahoshidi gonji mbi muudu umoshi unzola, ami, daademi yi Muhuunga u Nzaambi dugeesa bwa haashi mu mujima wenji (Jean 14:23).

Masumu lo mena kega mu mujima wu. Gihani gi ashidu o a saadana fumu u upala, dubadi daala Muhuunga u Nzaambi, muhuunga u masoonga. Teegu mujima ugakeedi gihani gi yiima yi musuni, daangu di kyeeshi, ngeemba, masoonga, yi yiima yi piimbu, yifu yi piimbu yiingi ayo yigazola Nzaambi yingila mu mujima wu. Nzaambi ena mudoondu. Mujima wu ugiduga ludaangu lu mudoondu wu. Ludaangu beeni lugagaandamana yi mudoondu (Yeezu) (Jean 15:1-10). Mbi avuga ludaangu lo, ndumba jikima jibila goji. Muhuunga u Nzaambi uzeedi mu gaji gi mujima, yisalu yi musuni, mpila yi gumupuguna ke loo mu mwiila Muhuunga u Nzaambi uhaangidi yiima yo yikima. Lukwigilu buna lubadi jwaadisa muudu yu mu mwiila wiishi mbi Yeezu mabadi gwiisa giinjigila. Luzolu lu Nzaambi lubadi jingisa muudu u gifa gyo.

Mbi mujima waayi wena piimbu gi guzolaanga Nzaambi, muugadaala Nzaambi (Mathieu 5:8). Ntotila David mageeshiyi gonji, shi ki akakeedi mvaama, yi yiima yingi, shi ki aganungidi mageembi meengi, mbi mayi geembi dyena didi dyaanwaanaanga yi mujima wenji. Geembi dyo dyena digola. Waa gyaagasaa mbidi: “Nzaambi, nguumbidi mujima uhye uhye, ngwalumuni mujima ngiishi piimbu” (Miguunga 51:12). Lo gwena yi muudu uleenda goofa mujima weenji beeni, lo shi muudu ulenda gudiwuumbila mujima uhye uhye. Kashi mbi mudusaamba nga gigasaambidi David, Nzaambi magadoofa piimbu. Mbi muledi umanini baaguga, ata ki ubadi guubaamba, loo ugagiduga uhye uhye mu mwiila mbi Nzaambi akadi mo. Nzaambi ena gonji heyi heyi mu gudusadisa. Mbi upala, wa gyaagahoshidi: “iganu swiila meema mu mwiila noofugi; igagadula yidegi yenu, jilu dyenu, iganuhwa mujima umpa, iganugadula mani dyo dyaaganusa ha gihani gi mujima, iganuhwa mujima u musuni. Igasa muhuunga waami mu gaji gi mujima wenu. Agyogyo, munuga-laba migoondu myaami myo mikima” (Ezéchiél 36:25-27). Dala

gyena gwiifilagana ago gumpa guduuga gona Nzaambi mu mwiila di magila ma muneenji Yeezu Kristu.

Mu gifanisu gigi dubadi daala kega mbi waanzyo umoniga. Adu dwiishi mbi awaanzyo ena mu gisalu gi haadu o agangila mu wulu. O afeji kala ashintri a haadu o agwiifaanga Nzaambi wooma (Miguunga 34: 8; 91 : 11, 12; Daniel 6:22; Matthieu 2: 13; Yisalu 5:19; 12:7-10).

Mu gifanisu gigi mudubaadaala ke Saadana. Weeshidi meena heyi heyi yi mujima mu mwiila angiluludi mu nzu yeenji yo yigulu. Mu mwiila gikeelu gyo gi Saadana, wa gigahoshidi Pierre: "Mbeni weenu, saadana, abadi jyeeda nga taambu ayo weefa kabu, muni saga naa agudya" (1 Pierre 5:8). Saadana uga-dyalumuna nga waanzyo u mwaani, muni gwe fuda akristu o abadi lebama gu yiima yi gifuji gigi. Saadana mbi usa ngolu, ulenda bwisa akristu o agoonda gaandamana yi Bible. Haa mbi mududeendagana yi Saadana, ye magajiina (Jacques 4:7).

GIFANISU GI SAAMBANU

Dala gifanisu gi mukristu yo ulebamini gona Saadana. Adi udunini Yeezu waagaguumbudidi teegu. Diisu dyeenji dimoshi diyaanjiga mu gubida, mu mwiila luziingu lwenji lu mukristu uyaanjiga guluduna. Diisu adyo dyeega muni dona mu mwiila dibadi dala kyeeshi di gifuji gi. Mwaani ugageedi mu mujima uyaanjiga gubuumbula. Mujima wu lo ubadi zola ke gudaala pashi yi Yeezu. Yiima yibi imuhoonjisa, ubwa mu masumu gabaji gabaji. Gihani gi gwiifila Nzaambi, ye abadi gwiifila saadana fumu u apala. Mbala jyeega mabadi gweenda ke gu nzu Nzaambi, mu mwiila afuji haadu. Mapaanji mamuhidaganini mu mujima. Mabanza menji mena gona Nzaambi. Haa ye gindugu yi gifuji gi. Mooda u Nzaambi ubuumbula. Kulunsi lo abadi gudijwaala yi kyeeshi; kulunsi dyeeshidi lemu. Lo abadi gudizola kega. Manuunga ma piambu maduuga gomu mu mujima. Lo abadi saamba ke. Lo abadi gudidaadisa minyaanga mu gwiishiya mujima wenji ki wena. Dugoogi, dugoogi, uyaanjiga gwiifila saadana ayo ugesa bwa haashi heyi heyi yi mujima. Lo ena ke yi nzala yi gukala gihani gimoshi yi akristu, piambu akadi yi haadu a gifuji gi.



MUJIMA ULEBAMANINI TI UGABULAGANINI YI NZAAMBI

Luleendu luyaanjiga gungila. Ubila mbi Yeezu agadufiididi ha kulunsi lo mbi mu mwiila piambu yedu, haa mu mwiila keenda jeenji. Gihani giabwa haashi yi haadu a gifuji gi, usoni umugama mu guhosa mbi lo ena nga owu. Aho saadana umanini gumwaambila mbi lo gwiifa wooma, mu guhosa gyo mbala yimoshi loo gwena ubi. Ginguumba gimuyaanjiga. Uyaanjiga

ke mu guda dugoogi dupaanji du ginguumba. Mu muloonga u maginu ungila, Haa! gadisumu gamoshi yigi gagahaanga?

Mu kyeediga, lo gwena paanji yeedu mbi manuunga mabi magujuungidi. Haa mbi mangila mu mujima waayi, saadana ubwa haashi mu mujima weedu. Mbi saadana dumuhwa lulembu buna, ye agaseenda googu di muwuundu. Gyogyo shela, Nzaambi ugaduwoonjila mbi dweegi manuunga medu mauleengi. Dugoonji sema yi masumu. Haa dwe badamana gona Yeezu.

Muudu yo yuudaala muni guna pogu mu mujima mu gifanisu gigi ena gifa gi haadu o aguseyaanga yiima yi Nzaambi. Mbi ayaanjiga gufujigila akristu mapaanji, aseya, aseya, muudu yo wena manuunga maadi, ma saadana yi ma Nzaambi, ubwa gonji shela. Mukristu u gifa gi, gisalu gwiifila haadu wooma, haa lo mbi Nzaambi. Gisalu gudyewula: haa haadu yigi abadi nuunga mu paanji yaami? Agyo ugiduga muhiga u haadu. Ujiina Nzaambi usoni. Kabu jiyaanjiga gungila mu mujima. Musogi uyaanjiga gungila mu mujima. Uyaanjiga gudyewula mu mwiila yigi haadu eega aduhida mu yiima, mu mwiila yigi mapaanji moowu mo makima mabadi gweenda piimbu? Aho musogi ungididi piimbu mu mujima.

Lo gwena pathi mbi nzala yi njiimbu ingidi mu tulu jedu. Mbi duduna Yeezu, nzala yo kega ingila mu mujima. Mbi gyo dugebi, dusaambi mu mwiila dukoonji bwa mu masumu (Matthieu 26:41). Mu mugaanda uteegu wu akorinti 10:12, Paul ugadwaambila: “Mbi muudu ena mu mugiji, agebi mbi akoonji bwa”. “Duvaaji yinwaaninu yi Nzaambi mu mwiila mbi dunuungi mayelu ma saadana mo makima” (Ephésiens 6:11-18).

GIFANISU GI NSAMBWAADI

Gifanisu gi gibadi guduleesa gifa gi mujima wo ugiinjigila gu dima. Muudu yu magakeedi yi mwaani, yi gaabu di Naaambi. Mooni u Nzaambi muugakeedi mu gaji genji. Dala daangu di, mbuga yi piimbu yo uyiduna.

Gifanisu gigi gibadi guduleesa ke gifa gi muudu ugeefa paanji yi Nzaambi piimbu, haa lo gonji agalumuna mujima. Muudu yo ubaagumisa mujima wenji gugola nga mani, shi ki Nzaambi abadi mwaagusa, mapaanji menji mo makima mageesa

gubiya buna, shi ki asa ngolu ye mweeni mu guhaanga yisalu yi piimbu.

Wa gigahoshidi Yeezu mu mwiila muudu yo ugakeedi



MUJIMA WEESA NGA MANI, UNGIJIJILA KEGA GU DIMA

piimbu, haa didi udega dima gona Nzaambi: “Mbi muhuunga ubi (saadana) uduuga gona muudu, ugweendaanga mu yihani yo yeminina, mu mwiila uhululugi. Haa mpila yi guhululuga loo.

Mu digudala gyo, udyambila gigi: “miiguginjigila mu nzu yaami yo iteegu”. Meesa giinjigila, mpila yi gungila mu nzu yo loo, mu mwiila nzu beeni ayigoombidi. Agyo, ugiinjigila guseenda ambayi jeenji mihuunga mibi nsambwaadi amyo mimuhida ye mu kabu. Eesa giinjigila, angila, Mbala yi mbadi, uhiga waagusa muudu yu uhida wo uteengu (Matthieu 12:43-45).

Pierre ugahosa mbi giima gigumina muudu yo gyo gigahosa gingana gimoshi: “Mbwa ugiinjigidila yiima yaalugidi. Ngulu woodidi udivoobiga kega mu matodu” (2 Pierre 2:22).

Yiima yi yidumana daanga mu Bible, ibadi guduleesa piimbi gifa gi mujima wo ugiinjigila gu dima, gifa gi mujima wo uduna mu gwalumuna mujima. Masumu yi upala wowu ukima weeshidi yaala mujima wu. Shi mbuunzu buna yi muudu beeni yeesa gubiya nga gi gyena mujima wenji. Dala dipoombu di dyena gifa gi Muhuunga u Nzaambi divulumuga godi, mu mwiila Muhuunga u Nzaambi yi masumu mpila yi gukala gihani gimoshi loo. Mujima mpila yi gukala mbala yimoshi nzu Nzaambi yi nzu yi saadana loo. Waanzyo yo wena gifa gi mapaanji ma Nzaambi, waaya gonji yi keenda. Waanzyo mabadi dala kega gu dima, mu mwiila agiinjigidi mbi muudu walumuna mujima gicalumunini mwana umoshi ubi mujima, (Luc 15:16-18): “Mwaana, beeni agakeedi yi nzala mbi adi yiima yi angulu, haa lo gugakeedi shi muudu u gumuhwa yiima yo. Ye beeni diagadinungidi: ‘miguzaanguluga, ngyeenji gona daademi nga imwaambidi gigi: daa, ami loo ifaana kega mbi iguleenjigi daa, loo ifaana kega mu gukala munaayi, mu mwiila isumugini, mu mwiila ihaangidi mbi gona wulu yi gona ayi”. Daa yu, diigadaadidi mueenji walumunini mujima, dyaagamwiifididi keenda jigola.

Haa mu gifanisu gigi gyeedu, muudu yu loo alumuna mujima gona Nzaambi. Loo kega abadi loomba pardon gona Nzaambi. Mujima wenji ugaluungula yi masumu, mujima muubadi bida. Madjwi meena, haa loo abadi gwiifa shi giima, shi ndaga yi Yeezu. Meesu mena, haa mpila mbi adaadi wuumbu di tshwiya dibadi wubuga gu mashina ma miilumyenji loo. Usoni kega u masumu ugahwa. Saadana uyaadidi mu mujima wu. Dala giabwa haashi. Ena fumu mugola. Mbala jeega, muudu yu uleenda fuda haadu mbi ena muudu u Nzaambi, haa mujima wenji

wena nga malumba. Mu gaji ugazala yi igudi, yi yiima ihwa bola (Matthieu 23:27).

Fumu u upala ubwiidi haashi ha gihani gi Mooni u Nzaambi. Hoshi disumu, hoshi gikeelu gibiya gyena daangu didi yi saadana umoshi. O akima azeedi mu mujima. Bible dibadi hosa mbi muudu ugulula mugoonda u Moise afede gumoomba mamani mbi haadu mbadi mbi lo sadu amufunda, gumwiifila kweenda loo. Haa yigi agahaanga gona muudu yo uduna Nzaambi, uduna magila ma Yeezu, uduna ke Yeezu, yi gwiifilagana gwenji, uduga kega Muhuunga u Nzaambi? (Hébreux 10:28, 29; 2 Pierre 2:1-14).

Mbi gifanisu gigi gifanagana yi mujima waayi, makuni, sa muloolu gona Nzaambi, sa saashi. Nzaambi ena yi pwiisa yi gubila, yi goofa masumu maayi mo makimina. Haanga gisasu gigahangidi muudu yo ugakeedi yi maba (lèpre) digeeshidi gona Yeezu. Wa gyaagahoshidi: mbi muuzola, kadudi makaashi ma (Marc 1:40-41). Haa mbi musweega masumu meyi, mbi muweeshisa mujima waayi nga mani, mbi lo uzola mwaani, makuni, ubebidi mu mwiila usoola mafa gihani gigusoola mooni. “Mu mwiila mafa magafuda masumu maayi” (Romains 6:23).

GIFANISU GINAANA

Haha, dubadi daala lufa lweesa gona muudu u masumu. Dubadi daala gigafa muudu yo ugiinjigila gu dima mu masumu. Dubadi daala kega lufa lu muudu yo uguhosaanga mbi igalumuna mujima gakeela, loo mbi mwaanyongu. Mujima weenji uzeedi yi wooma u lufa. Ye beeni uyanjiga gudaala lufa mu manuunga. Kyeeshi gi upala, gi masumu gibila. Pashi ji yiluungi jimugama. Daangu di weeshiya mbi masumu meenji magumujwaadisa gu iluungi. Adi weeshiya mbi loo agadaalagana kega yi Nzaambi. Daangu didi ena yi nzala mbi asaambi Nzaambi. Haa ye beeni muni gudyaambila mbi loo ena kega yi mpila mbi eefilagani yi Nzaambi, mu mwiila mafugu meengi ye magadugidi Nzaambi beeni. Adi amusaambi kiyo? Ambayi jengi o akimina ena mu wooma, mpila yi guseemisa gihani gyena mukaashi loo. Mapaanji mabadi gwaambila mukaashi, loo mabadi gumujwa. Gimvaama gyenji, mbala jeega gibi, lo gilenda haanga mbi lufa lujiini yaandu, gyeegi mukaashi. Loo shela. Loo gilenda kega gulembiga buulu.

Mpila mbi anungi Nzaambi buna mu manuunga loo, mu mwila saadana loo abadi zola gyo.

Yiima yo yaazolaanga teegu, ayo yaafiilanga, daangu di



LUFA LU MUUDU U MASUMU

yiima beeni iyaanjiga gumuseya. Lo gwena shi muudu ulenda gumusadisa. Adi weeshiya mbi gwena giima gi pashi mbi ubwa ha myoogo mi Nzaambi, mbi wena yi paanji yi Nzaambi. Piimbu

nubulagani miduubu yi muudu mweega, haa loo yi Nzaambi. (Hébreux 10:31).

Ye magakeedi yi pwiisa mbi ufugu weega mügeefilagana yi Nzaambi, ata ho igakala ha wulu di lagu di lufa. Dala daangu di, weeshiya ye beeni mbi loo aguga. Haadu eengi agufaanga lufa lu gintungumugila, haho mpila mbi eebugi ke Nzaambi loo gihani gyaabadi fa. Mbi gyogyoongi, piimbu dweefilagani yi Nzaambi daangu di dwena yi mooni. Mu gifanisu gyeedu, muudu u masumu yu ubadi fa, ayu ugadunini mapaanji ma Nzaambi, adi loo abadi gwiifa kega ndaga yi piimbu yi Nzaambi. Haa abadi gwiifa ndaga yi kabu yi Nzaambi ayo yibadi hosa gigi: “Gaduga ha, muudu mubiya, nda ungidi mu tshwiya do dugugoonda jimuga. Tshwa do agaduhaangidi mu mwiila saadana yi awaanzyo enji” (Matthieu 25:41). Bible dibadi hosa mbi MUUDU AGUFAANGA MBALA YIMOSHI, GU DIMA AMUSAAMBISA (Hébreux 9:27).


GIFANISU GIVA

Gifanisu gi gibadi guduleesa mukristu yo ubadi nwaana yi masumu haa mukristu mabadi nuunga gonji. Yüima yiingi yibi yibadi gumuleba. Ye loo abadi bwa. Mayelu menji mo makimina umashidi gona Yeezu. Yeezu kega mabadi gumunuungisa. Mukristu yu ushiidi meesu menji kega gona Yeezu, ayu wena fumu u lukwigilu (Hébreux 12:1-2). Mukristu abadi mbila lemu yi masumu makima. Abadi seenda tshiina mu mbuga yi piimbu yo yaamugaangudila.

Dala yaandu saadana yi haadu enji o akima ajeejidi mujima u mukristu. Abadi saga mpila agadudi mukristu yu mu mbuga yi Nzaambi. Asaadana o ena gifa gi masumu ma luleendu, ginguumba, pwiisa njiimbu yi masumu meega. Gihani gi kooyi, dubadi daala puunda, mu mwiila masumu magudisweegaanga piimbu, muni sobasoba gifa yi miledi, muni sobasoba jina di masumu.

Ataa ki mabadi soba mbuunzu, mukristu magwiishiya mbi giima gi gyena disumu. Disumu dileenda gudisweega, dyeesa piimbu nga giima gi Nzaambi. Haa mukristu mpila yi gumufuda loo shela. Ata saadana mesa gudileesa nga Yeezu uvaajidi miledi

mi mwaani, mukristu loo agabila saadana yu, mu mwiila ndaga yi Nzaambi ibadi gumujwaala mu mbuga yi masoonga. Mudubadi daala kega mu gifanisu gi muudu umoshi ugamini gooba dizeedi



9. MUJIMA UNUUNGA MASUMU

yi magana, ye muni gwe gina. Pwiisa yenji yena mbi abwiishi mukristu mu masumu daangu mukristu yu agadaala kyeeshi gi gifuji. Haa mukristu ugafa yi Yeezu. Yiima yi gifuji mpila yi

gumufuda loo. Muudu mweega abadi bula mujima u mukristu pogu. Pogu yi yena gifa gi masumu mabiya nga guduga Nzaambi, gumuseya, gufujigila haadu mapaanji, masumu ma guhaangaanga haadu o agaduna Nzaambi. Pogu yi ibadi gunuga mu mujima u mukristu upiimbu. Haa mukristu abadi nuunga gigahoshidi Yeezu: “Loo gwiifa pashi mbi manuduga, mbi manudaadisa pashi, mbi manufujigila mapaanji mu mwiila ami. Kalenu yi kyeeshi, mu mwiila nugaseenda gaabu di piimbu mu wulu” (Matthieu 5:11-12).

Masumu, mwiila wu udugazola ngolu yi mwiila weedu beeni, yiima yi ikima igunwaanisaanga ngolu mukristu yo ubadi zola Nzaambi. Masumu mo mena yi pwiisa mbi mukristu agaabulagani yi Nzaambi. Haa adu akristu, duleenda hosa yi Paul: “Yigi ileenda gudugaabula yi guzola gugadzodidi Yeezu? Pashi? minyaanga? Wooma? Nzala? Kagi? Mupada (pogu)? Haa yiima yo yikima dugayinuunga gaji ga muudu yo ugadzodidi teegu” (Romains 8:35, 37). Mukristu yo uvaada miledi mi Nzaambi agakala mugiji shi pashi ki jeena, loo agabwa mu masumu. Adu kega duleenda nuunga mbi dugamini Yeezu ayu ubadi guduha ngolu.

Mooda u mujima wu wena peembi yi gyeeshi, Mukristu yu ena yi lukwigilu lugola. Muhuunga u Nzaambi ugeesa bwa haashi mu mujima wu. Waanzyo u Nzaambi ayo wena gifa gi ndaga i Nzaambi abadi gumwiibugisa paanji igahoshidi Nzaambi gona haadu o agagoonda bwa mu masumu: “Mbi muudu unuunga, igamuhwa ndumba ji mudoondu wo wena mu hya di Nzaambi. Ayo ugagoonda nuunga, magafa mbala imbadi. Ayo uganuunga, igamuhua manna mo gisweegi (manna mena mampa mo maduugaanga gu wulu mu mwiila aana a Israël amadi). Ayo uganuunga, igamuhwa kega gamani gapeembi. Ha wulu di mani dyo agasoniga jina dyenji dimpa. Ayo uganuunga, igamuhwa ngolu. Ayo uganuunga yi yo ugagoonda guulula migoondu myaami, agakala fumu u magaanda mo makima. Ayo uganuunga, agavaada miledi mipeembi. Loo igagadula jina dyenji mu mugaanda wo u lujiingu. Loo kega igamuhwa soni gu meesu ma

daademi yi gu meesu ma awaanzyo. Ayo uganuunga igamwiisisa guunda mu nzu yi Nzaambi. Loo agaduugulula kega. Ayo uganuunga igamubwiisisa haashi ha wulu di kiji gyaami beeni (Apocalypse 2:7, 11, 17, 26; 3:5, 12, 21).

Waba didubadi daala dibaleesa mbi mukristu yu mahaanaanga kega njiimbu jenji gona Nzaambi. Gihani gi gooniga yiima yi gifuji gigi, ye mayihaangilaanga haadu agoonda yiima beeni. Ye kega mafudaanga gaabu di umoshi gu gumi gona Nzaambi. (Umoshi gu gumi disongidila yigi? Duhaani mbaandu mbi useenda njiimbu 100 Zaires, ujigaabula mu magaabu gumi ma gigeledi; gaabu dimoshi (10 zaires) dyena di Nzaambi.)

Gijini gi dimpa yi shi gibadi guduleesa mbi mukristu agakeedi yi lujingu lupiimbu lugoonda sama. Yiima yikima ayihaangilaanga mu giteesu; loo anwaanga magana. Njiimbu jenji lo abadi gujyooniga, mwiila wenji lo kega abadi guusa sama mu mwiila wena gihani gi Nzaambi gi gubwa haashi. Mpila loo mbi oonigi gihani beeni yi magaaya mbi lo yi dyaamba, mbi lo yi giima gyeega gibiya. Haa abadi dya yiima yipiimbu yigoonda jilu. Mujima weenji ugeesa gihani gi gusaamba Nzaambi. Ye kega loo agugoonjisaanga mbashi ji Nzaambi, ata haanji lo gwena piimbu. Ugabaadila yisaambu yeenji beeni, mbi lo yisaambu yi haadu eega, mu mwiila mukristu agujiingaanga mu yisaambu.

Mugaanda wu wena uhwagaangula wena Bible. Hoshi ufugu ye muni guudaanga, mu mwiila mu gaji gi Bible gwena yi mayelu, yi ngolu, yi mwiinda, yi umvaama. Bible dyena pogu yidubadi haangila saadana. Bible dyena meema magugadula pwiisa, Bible dyena dimpa, dyena kega gipeela.

Ugazola gujwaala kulunsi mu mwiila wiishi mbi mpu yi nkeembo dugaivada mu mwiila kulunsi beeni. Mu mwiila mukristu beeni wiishi mbi ugafudumuga yi Yeezu, yiima yaaguhaangaanga kaka yo i wulu buna, yiima yo yaagugooandaanga daala. Ye ena mfinama mu gudaalagana yi Nzaambi. Ena nga mudoondu wo waaguna mu mbiimba meema, mudoondu beeni uzeedi yi nduumba ji piimbu. Muudu beeni loo agujiina lufa wooma, mu mwiila Mooni u Nzaambi ugeza zala mu mujima wenji. Guzola gugaduzodidi Nzaambi gugazala kega mu mujima wenji.

GIFANISU GI GUMI

Yeezu magahoshidi mbi ngyena lujiingu yi gufudumuga. Mbi muudu uguumbula paanji yaami magajiinga, ata ugafa; muudu ye mukimina ubaajiinga ti ubaaguumbusa paanji yaami



NGILA MU NKEEMBO YI MUUDU YO UGAGUGULUSIDI

loo agafa shela” (Jean 11:25, 26). Muudu mukimina ubadi sa madjwi gu ndaga yaami tii yo ubadi guumbusa muudu yo ugatumini, muudu beeni ena yi lujiingu lugagoonda hwa; loo gwena yi muudu uleenda kega gumusaambisa, haa muudu beeni ugadugidi gona haadu ahwa fa weesa duula gona o ena yi mooni”. Mukristu loo abadi gwiifa ke wooma mu mwiila lufa. Mbi mwiila wu ugubolaanga uvaada mwiila wo ugoondaanga bola, mbi mwiila wu ugufaanga uvaada mwiila wo ugugoondaanga fa, daangu dyo mudugaguumbusa mbi ndaga yi igahosa mbi “lufa lunuungu lumuminini. Ayi lufa gunuunga gwaayi ku gwena? Ayi lufa, kabu jaayi ku jeena? Lufa lugwiisa kabu mu mwiila masumu. Duhaani madoondu gona Nzaambi mu mwiila abadi gudunuungisa mu Yeezu Kristu (1 Corinthiens 15:54-57).

Muudu yo waayaanga mbuga imoshi yi Nzaambi, ayo ugaziingidi yi Nzaambi, loo aleenda gwiifa lufa wooma. Mbi daangu digweega mooni diluunga, magaguumbula nga gigahoshidi Paul: “Ngyena yi pwiisa mbi ngyeenji, ayo nga kadi yi Yeezu, giima gigi gihida piimbu” (Philippiens 1:23).

Mukristu ena yi nzala mbi akadi yi Yeezu, adaadi mbuunzu yi Kristu. Mukristu ena yi pwiisa mbi adaadi muudu yo Yeezu ugafiidi ha kulunsi mu mwiila aduguudi. Mooni u Nzaambi muubadi guduleesa kega mbi: “Lo gwiifa wooma mu mujima. Kwiiigilenu Nzaambi, kwiiigilenu kega ami. Mazu mena meengi mu muwaangu u Nzaambi. Miigeesa giinjigila mu mwiila inuseenji. Gihani giikala ami, anu kega nukadi ho (Jean 14:14).

Yiima yigaduyidigila adu haadu, diisu loo yaandu digayi-daala, djwi loo yaandu digeeffa yiima beeni. Nzaambi ugayidiga mu mwiila adu dugumuzolaanga (1 Corinthiens 2:9). Loo gwena yi ndaga ileenda hosa mbi gudeendula piimbu yi ushiga u wulu, gihani gigeenda haadu o agulabagaanga taambi ji Yeezu ha gifuji gi.

Gihani gigudaala yigudi yibadi guduleesa lufa, mu gifanisu gigi dubadi daala wanzyo yo uduma Nzaambi. Abadi meena mbi ajwaadi gu wulu muudu u masumu ayo woofuga gona Yeezu. Mooni uduga mu mwiila ugufaanga, dala daangu di ubadi gweenda gona Nzaambi yu waagazodidi, agaziingidi mu mwiila ye, agafiidi kega yi manuunga ma Nzaambi. Wa gibadi gumwaambila Nzaambi: “Gwena piimbu, ayi wena muudu

mupiiumbu. Mu mwiila ugahaangidi piumbu mu yiima yijigijigi, igaguhwa yiima yo ihida uneni. Ngila mu kyeeshi gi fumu weyi” (Matthieu 25:21). Saadana lo ena kega yi giima gighosa gona muudu u gifa gi, mu mwiila Nzaambi ugazola ngolu lufa lu haadu o agumuzolaanga (Psaume 116:15). “Ami miigeefidi ndaga iduuga gu wulu ihosa mbi: “soniga mbi haadu o agufaanga mu Nzaambi ena piumbu ngolu. Masonga, Mooni u Nzaambi ubadi hosa mbi haadu beeni esa hululuga mu yisalu yoowu, mu mwiila yoowu muibadi gwalaba (Apocalypse 14:13).

Ayi ubadi daanga mugaanda wu, Nzaambi agusadishi mbi uzodi muudu yo ugaguzola yi tuunda. Dala muudu beeni gibadi guugwaambila daangu di: “Munaami, pi mujima waayi (Proverbs 23:26). Mujima waayi uhoonjidi. Uhwi Yeezu. Mujima lo wena yi kyeeshi, mujima waayi wena mu pashi. Uhwi Yeezu. Yeezu magaguhwa mujima umpa, uhyehye. Mujima waayi ugoonji gugufuda mu mwiila ulabi gibadi guugwaambila mujima beeni: “Ayu ugwiifilaanga mujima wenji ena zoba; haa ayu wena yi mayelu magaguluga” (Proverbs 28:26). Weega masumu meyi; laba giima gyena piumbu. Mu mwiila “lufa lwena njiumbu jaagafuda masumu. Haa gabu di Naaambi dyena luziingu lo lugagoonda hwa mu Yeezu fumu wedu” (Romains 6:23).

Haanga yiima yipiumbu, ayi ugeega luziingu lwaayi gu myoogu mi Yeezu, gejigina ndee yiima yi lukwiigilu lweyi, yi guduzola gugaduzodidi Yeezu. Dala gihosaanga Paul gona Timothée 1:12 : “mu mwiila ngiishi mbi gona naa igasa mujima. Ngiishi kega mbi muudu yu uigasa mujima ena yi ngolu mu gusweegila yiima yo tii ufugu wo u nsuka. Yaanjiga gudiduunga ayi beeni yi lukwiigilu; saamba i Mooni u Nzaambi. Kala gaji gi luzolu lu Nzaambi; dalaanga Yeezu ayu wena mbuga, masoonga yi Mooni u haadu. Yeezu beeni mageesa seenda gisasu haadu enji. Ye ena fumu wa afumu, leemba wa aleemba.”.

“Gona muudu yo uleenda haanga mbi ugoonji bwa tii gugumaninisa piumbu ha meesu ma Nzaambi, gona Nzaambi mu mbuga yi Yeezu, fumu wedu, duhaani ngolu, kyeeshi daangu didi tii gimakulu, amen”. (Jude 24, 25).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialetos falados em todo o mundo, a saber: (África, Ásia, América do Sul, Extremo Oriente, Europa, etc.). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

info@angp.co.za

A Gospel Literature Mission financed by donations

Une Mission de litterature evangelique finacee de dons

Missao de literatura Evangelica financiada por donativos

(Reg. No. 1961/001798/08)